

**Ka Moporesidente
Dieter F. Utchtdorf**

Mogakolodi wa Bobedi
mo Boporesidenteng jwa Ntlha



Botshelo jwa Barutwana

Dingwaga tse masome mararo tse di fetileng ko Ghana, moithuti yo o bidiwang Doe o ne a tsena mo ntlong ya kobamelo ele lantlha. Tsala e ne e laleditse Doe go tla le ena, mme Doe o ne a batla go itse gore kereke e ntse jang.

Batho ba ne ba siame thata mo a neng a ipotsa, “ke kereke ya mohuta mang e?”

Doe o ne a kgalhega mo a feletseng a tsaya tshweetso ya go ithuta go le gontsi ka kereke le batho ba yone, ba ba neng ba tletse boitumelo. Mme nne yare a simolola go dira jalo, ba lwapa le ditsala ba nna kgalhanong ntlha tsothe. Ba buwa tse di maswe ka kereke mme ba dira tsothe gore a seke a tsena kereke.

Mme Doe o ne a setse a amogetse bopaki.

O ne ana le tumelo, mme a rata efangeli, ye e neng ya tlatsa botshelo jwa gagwe ka boitumelo. Mme ka jalo, a kolobediwa.

Moragonyana, a inakanya le go ithuta mme a rapela. O ne a itima dijo mme a batla mowa o o boitshepo mo botshelong jwa gagwe. Maduo a teng a nna gore, bopaki le tumelo ya ga Doe tsa gola thata. Kgabagare o ne a tsaya tshweetso ya go direla ele moanamisa efangeli.

Morago ga go anamisa efangeli, o ne a nyalwa ke yo a kileng a anamisang efangeli—yo a mo kolobeditse ngwaga tse di fetileng—mme ba kopanngwa ko Tempeleleng ya Johannesburg Africa Borwa.

Dingwaga tse di ntsi di fetile morago ga gore Doe Kaku a itemogele boitumelo jwa efangeli ya ga Jeso Keresete.

Mo nakong eo, botshelo bo ne bo se bonolo mo go ena. O nnile le dikgwetlho tsa go thujwa pelo, go latlhegelwa ke bana ba le babedi—bothoko jwa maitemogelo ao bo santse bo imela pelo ya gagwe.

Mme ene le monna wa gagwe, Anthony, ba lekile go momagana le go nna gaufi le Rara yo o kwa Legodimong, yo ba mo ratang ka pelo tsa bone tsothe.

Tsatsi jeno, dingwaga tse masome mararo morago ga kolobetso, Mokaulengwe Kaku o sa tswa go fetsa tirelo ya go anamisa efangeli—jaanong o ne a patilwe ke monna wa gagwe, yo e neng ele mokamedi wa kanamiso ya efangeli ko Nigeria.

Ba ba itseng Mokaulengwe Kaku bare gona le sengwe se se hapegileng ka ena. Oa galalela. Go thata go nna le ena mme o tlhoke go itumela le wena.

Bopaki jwa gagwe bo tsepame: “Kea itse gore Mmoloki o mpona ke le morwadie le tsala (bona Mosiah 5:7; Ether 3:14),” A rialo. “Mme kea ithuta gape ke leka thata go nna tsala ya gagwe—ese fela ka go buwa mme le ka se ke se dirang.”

Re barutwana

Polelo ka Mokaulengwe Kaku e tshwana le tsa bale bantsi. O ne ana le keletso ya go itse nnete, O dueletse go nna le lesedi la semowa, O supegeditse lorato la gagwe mo Modimong le batho ka ene, mme mo mosepeleng o a nne le dikgwetlho.

Mme go sa kgathelesege ba ba kgalhanong, go sa kgathelesege gore dikgwetlho ke eng, o ne a gatela pele

ka tumelo. Mme jaaka go le botlhokwa, O ne a nna ka boitumelo. O ne a bona tsela e a ka tshelolang mo dikgwe-tlhong tsa botshelo mme a kgaratlha ntswa dile teng!

Polelo ya gagwe e tshwana le ya gago le yame.

Mosepele wa rona ga o nke o tsamaya ka thelelo kgotsa o sena diteko.

Rotlhe rena le go nna ka pelo tse di botlhoko, go sa itumela, le go nna ka matlhoko.

Re ka ikutlwa re nyema moko mme nako tse dingwe re utlwe re tlalelelwa.

Mme ba ba tshelang botshelo jwa barutwana—ba ba tshelolang mo tumelong; ba ba tshepang Modimo le go tshegetsatsa ditaello tsa gagwe;¹ ba ba tshelang efangeli tsatsi le letsatsi le oura le oura; ba ba fang tirelo e e tshwanang le ya ga Keresete go ba ba tshelang gaufi le bona, tiro tse di siameng ka bongwe—ke dingwe tsa dilo tse di potlana tse di dirang phetogo e e kgolo.

Bao ba ba nang le tshiamo, ba itshwarela, mme ba le mautlwelo botlhoko ke ba ba mautlwelo botlhoko ba ba tlaa amogelang mautlwelo botlhoko.² Ba ba dirang lefatshe lefelo le le botoka, mongwe yo o kgathalang o tsaya kgato ka nako, mme a leka go tshela ka tshegofatso, kgotsofatso, le botshelo jwa kagiso jwa barutwana ba ga Jeso keresete ke ba ba tlaa bonang boitumelo.

Ba tlaa itse gore "lorato la Modimo, lo lo amaneng kwa ntle mo dipelong tsa bana ba batho. . . Ke se se eletswang go feta dilo tsotlhe. . . Mme ke se se itumedisang mowa."³

DINTLHA

1. Bona Mosiah 4:6.
2. Bona Mosiah 5:7.
3. 1 Nifae 11:22–23.

GO RUTA GO TSWA MOLAETSENG O

Moporesidente Utchdorf o re ruta gore tselana ya go nna morutwana e thata mme ba ba tshelang "botshelo jwa kagiso jwa barutwana ba ga Jeso Keresete ke ba ba tlaa bonang boitumelo." Jaaka fa moporesidente Utchdorf a bolela polelo ka Doe go supetsa ka fa barutwana ba nnete ba ga Keresete ba ka bonang kagiso le boitumelo ntswa gona le diteko tsa botshelo, o ka akanyetsa go amogana polelo ya botshelo jwa gago ya gore ke eng

o itlhophetse go sala morago Keresete le gore o go thatafaditse jang. Fa re etelelwa pele ke Mowa, go amogana polelo tsa rona go ka thatafatsa bao re ba rutang.

BANANA

Boitumelo o le morutwana wa ga Jeso Keresete.

Okile wa nna le letsatsi le le seng molemo? O ne wa dirang gore o ikutlwe ole botoka? Moporesidente Uchtdorf o itse gore "rotlhe rena le go nna ka pelo tse di botlhoko, go sa itumela, le go nna ka matlhoko. Re ka ikutlwa re nyema moko mme nako tse dingwe re utlwe re tlalelelwa.

Tharabololo ya gagwe ke go tshela se a se bitsang "botshelo jwa morutwana": "go nna ka tumelo le go tswelela ba gatela pele mo tumelong." Fa re gatela pele ka tumelo, re kgona go tshepa Modimo, re sala morago ditaello tsa gagwe, le go direla ba bangwe—mme re nne le boitumelo nako tsotlhe! Jaaka Moporesidente Uchtdorf a buile, "botlhe ba ba tshelang botshelo jwa barutwana . . . ke ba ditiro tse di potlana di dirang pharologanyo e e kgolo."

Akanyetsa go dira mokwalo wa tselana ye o ka tshelang botshelo jwa barutwana ka teng. Sekai, o ka kwala leano la tirelo jaaka "go thusa motsadi go baakanya dijo tsa maitseboa" kgotsa leano la go tshegetsatsa ditaello jaaka "go rapelela go nna pelo telele mo go bo mmo-tlana." Nako e o ikutlwang o na le go kganelwa kgotsa go fekeediwa thata, ntsha tse o di nankotseng, tlhophaleano, mme o le lekeletse!

BANA

Nako ya boitumelo le khutsafalo

Matsatsi a mangwe a na le metsotso ya go sa itumela. Mme go siame. Jeso o ka go thusa mo go yone.

Tshwantsha sefatlhego se sena monyenyo Jeso o ka go thusa jang fa o sa itumela?



Tumelo Lelwapa Thuso

Go tshela botshelo jo bo tlhomamisitsweng

Ka thapelo ithute tiriso e mme o batle tlhotlheletso go itse se o ka se abelanang. Ke ka ga jang go tlhaloganya boikaelelo jwa Mokgatlo wa Thuso go tlaa baakanyetsang bomorwadie Modimo masego a botshelo jo bo sa khutleng?

“Go tlhomamisa ke go aroganya kgotsa go abela sengwe se se boitshepo, se lebane le tiriso e e boitshepo,” go bua Mogolwane D. Todd Christofferson wa Quorum of the Twelve Apostles. “Go atlega ga nnete mo botshelong gotla fa re tlhomamisa matshelo a rona—se ke, nako ya rona le se re se tlhophang—se e leng maikaelelo a Modimo.”¹

Mogolwane Neal A. Maxwell (1926–2004) wa Quorum of the twelve Apostles o ne are, “Re na le go akanya gore go tlhomamisa go a busetsa, fa re laotswe, go fa tse re nang natso. Mme go tlhomamisa mo go tseneletseng ke go fa botshelo jwa gago Modimo.”²

Fa re tlhomamisa matshelo a rona go diragatsa maikaelelo a Modimo, tumelo ya rona mo go Jeso Keresete le go swela dibe tsa rona e tlaa oketsega. Fa re tshela botshelo jo bo tlhomamisitsweng, re ka dirwa boitshepo ke ditiro tsa rona.

Carole M. Stephens, mogakolodi wa ntlha mo boporesidente jwa Relief society, o ne are: “Mogolwane Robert D. Hales o ne a ruta, ‘fa re dira ebo re tshegetsang dikgolagano, re tswa mo lefatsheng mme re tsene mo Bogosing jwa Modimo.’

“Rea fetoga. Re lebe ga re farologane, le go dira dilo ka pharologanyo. Dilo tse re di reetsang le tse re di balang le tse re di buang ga di tshwane, le se re se aparang se pharologane ka gore re nna barwadia Modimo re golagane ka dikgolagano.”³

Tlhomamiso ke kgolagano e Modimo a e dirang “le ntlo ya Iseraela; morago ga malatsi ao, go bua Morena, ke tlaa baya molao wame mo boteng jwa bona, le go o kwala mo pelong tsa bona; ke tlaa nna Modimo wa bona, mme ba tlaa nna batho bame” (Jeremiah 31:33). Go tshela botshelo jo bo tlhomamisitsweng go ka fa thulaganyong ya Modimo go rona.

Dikwalo tsa tumelo tse di tlaletsang

1 Thessalonians 1:3;
Dithuto le Dikgolagano 105:5;
reliefsociety.lds.org

DINTLHA

1. D. Todd Christofferson, “setshwantsho sa botshelo jo bo tlhomamisitsweng,” *Liahona*, May 2010, 16.
2. Neal A. Maxwell, “Tlhomamisa tiro ya gago,” *Liahona*, Phukwi 2002, 39.
3. Carole M. Stephens, “Go thanyetsa tiro ya gago,” *Liahona*, Nov 2012, 115–16

Akanyetsa Se

Go tlhomamisa matshelo a rona go Morena go re thusa jang go go nna jaaka ena?